



Jarida la

# SIHA NA MAENDELEO

UTAWALA BORA

[www.sihadc.go.tz](http://www.sihadc.go.tz)

Mwezi Julai 2024

Toleo la 17

Halmashauri ya Siha



*Haliuzwi*

## RC KILIMANJARO AIPONGEZA WILAYA YA SIHA KUVUKA MALENGO MAKUSANYO MAPATO YA NDANI 2023/2024



*Mkuu wa Mkoa wa Kilimanjaro Mhe. Nurdin Babu akizungumza wakati wa mkutano maalum wa kujadili hoja za Mdhibiti na Mkaguzi Mkuu wa Hesabu za Serikali (CAG) Julai 02, 2024 katika Ukumbi wa Makao Makuu ya Halmashauri ya Wilaya ya Siha.*

Mkuu wa Mkoa wa Kilimanjaro Mhe. Nurdin Babu ameipongeza Halmashauri ya Wilaya ya Siha kwa kukusanya mapato ya ndani kwa asilimia 128 mwaka wa fedha 2023/2024.

Akizungumza wakati wa mkutano maalum wa kujadili hoja za Mdhibiti na Mkaguzi mkuu wa Hesabu za Serikali (CAG) Julai 02, 2024 uliofanyika katika ukumbi wa makao makuu ya Halmashauri ya Wilaya ya Siha, Mhe Nurdin Babu amempongeza Mwenyekiti wa Halmashauri ya Wilaya ya Siha Mhe Duncan Urassa na

Mkurugenzi Mtendaji Dkt Haji Mnasi kwa kuweka mikakati mizuri ya kuboresha ukusanyaji wa mapato ya Halmashauri.

Amesema ushirikiano uliopo kati ya Mkuu wa Wilaya, Ofisi ya Mkurugenzi Mtendaji, Mwenyekiti wa Halmashauri ya Wilaya ya Siha na Waheshimiwa Madiwani umechagia kwa kiasi kikubwa kukusanya mapato ya ndani kwa asilimia zaidi ya 100.

“Nitakuwa mchoyo wa fadhila, mnafanya vizuri sana, yani nyie watu wa Siha, katika watu ambao wanatuweka mbele sisi

ni pamoja na nyie, makusanyo ya mapato ya ndani kufikia Juni 30, 2024 Halmashauri ya Wilaya ya Siha imekusanya kwa asilimia 147, mmekusanya vizuri sana“ amesema Mhe Nurdin Babu.

Kikao hicho cha kujadili hoja za Mdhibiti na Mkaguzi Mkuu wa Hesabu za Serikali – CAG kimefanyika ambapo Halmashauri ya Wilaya ya Siha imewasilisha hoja nane za ukaguzi zilizojadiliwa na kutolewa maelekezo na waheshimiwa madiwani mbele ya Mkuu wa Mkoa wa Kilimanjaro Mhe Nurdin Babu.



*Mkuu wa Mkoa wa Kilimanjaro Mhe. Nurdin Babu (katikati) akiwa kwenye Mkutano wa Baraza Maalum la Waheshimiwa Madiwani kujadili hoja za Mdhibiti na Mkaguzi Mkuu wa Hesabu za Serikali (CAG) Julai 02, 2024*



*Viongozi mbalimbali wa Wilaya ya Siha na Waheshimiwa Madiwani wakiwa kwenye Mkutano wa Baraza Maalum la Waheshimiwa Madiwani la kujadili hoja za Mdhibiti na Mkaguzi Mkuu wa Hesabu za Serikali (CAG) Julai 02, 2024.*

## RC KILIMANJARO AIPONGEZA HALMASHAURI YA SIHA KWA KUPATA HATI SAFI MIAKA MITATU MFULULIZO



*Mkuu wa Mkoa wa Kilimanjaro Mhe. Nurdin Babu akizungumza katika Mkutano Maalum wa kujadili hoja za Mdhibiti na Mkaguzi Mkuu wa Hesabu za serikali (CAG) Julai 02, 2024 katika Ukumbi wa Makao Makuu ya Halmashauri ya Wilaya ya Siha.*

Mkuu wa Mkoa wa Kilimanjaro Mhe. Nurdin Babu ameipongeza Wilaya ya Siha kwa kupata hati safi kwa miaka mitatu mfululizo.

Akizungumza wakati wa mkutano maalum wa kujadili hoja za mdhibiti na mkaguzi mkuu wa Hesabu za Serikali Julai 02, 2024 uliofanyika katika ukumbi wa makao makuu ya Halmashauri ya Wilaya ya Siha, Mhe Nurdin Babu amesema Wilaya ya Siha inachangia kwa kiasi kikubwa Mkoa wa Kilimanjaro kuendelea kufanya vizuri kitaifa.

Mhe Nurdin Babu amewaelekeza Mwenyekiti wa

Halmashauri, Mkurugenzi Mtendaji na Waheshimiwa Madiwani kuendelea kusimamia na kuhakikisha hakuzalishwi hoja zaidi ya mbili wakati wa ukaguzi wa Mdhibiti na Mkaguzi Mkuu wa Hesabu za Serikali – CAG Mwaka 2024/2025.

“Nataka Wakuu wa Idara wote washiriki kikamilifu katika suala zima la kuzuia uwepo wa hoja na kuzijibu hoja za ukaguzi, ninyi wakuu wa Idara ndiyo tunawategemea, muwasaidie sana Waheshimiwa Madiwani kuchakata na kujibu hoja zote kwa ufanisi kama mliyofanya sasa” amesema Mkuu wa Mkoa

wa Kilimanjaro Mhe. Nurdin Babu.

Kikao hicho cha kujadili hoja za Mdhibiti na Mkaguzi Mkuu wa Hesabu za Serikali – CAG kimefanyika ambapo Halmashauri ya Wilaya ya Siha imewasilisha hoja nane za ukaguzi zilizojadiliwa na kutolewa maelekezo na Waheshimiwa Madiwani mbele ya Mkuu wa Mkoa wa Kilimanjaro **Mhe Nurdin Babu.**



*Muonekano wa baadhi ya vyumba vya madarasa, Maabara na Mabweni katika Shule ya Sekondari ya Wasichana Kilimanjaro (Kilimanjaro Girls School) yaliyojengwa katika kijiji cha Mawasiliano Kata ya Gararagua kwa fedha kutoka Serikali Kuu Shilingi Bilioni 3.*



*Muonekano wa Zahanati ya Kijiji cha Mawasiliano iliyoibuliwa na wananchi kwa lengo la kusogeza huduma za afya karibu ili kupunguza au kumaliza vifo vya mama na mtoto ambapo Serikali imetoa shilingi milioni 50 kwa ajili ya kukamilisha ujenzi huo na shilingi milioni 50 kwa ajili ya ununuzi wa vifaa tiba.*

## BILIONI 55.5 ZATEKELEZA MIRADI YA MAENDELEO WILAYA YA SIHA



*Naibu Waziri wa Afya na Mbunge wa Jimbo la Siha Mhe Dkt Godwin Mollel akizungumza na wananchi wa Kata ya Nasai baada ya kukagua na kuzindua ujenzi wa vyumba vinne vya Madarasa na Matundu Saba ya Vyoo vilivyojengwa kwa shilingi Milioni 114.7 katika Shule ya Sekondari Sanya Juu Julai 05, 2024.*

Naibu Waziri wa Afya na Mbunge wa Jimbo la Siha Mhe Dkt Godwin Mollel amesema ndani ya miaka mitatu ya Rais Samia Suluhu Hassan, Wilaya ya Siha imetekeleza miradi yenye thamani ya zaidi ya shilingi Bilioni 55.5 katika sekta ya elimu, afya, Barabara na miradi mingine.

Mhe Dkt Mollel amesema hayo Julai 05, 2024 katika mkutano na wananchi wa Kata ya Nasai baada ya kukagua na kuzindua ujenzi wa vyumba vinne vya Madarasa na Matundu Saba ya Vyoo vilivyojengwa kwa shilingi milioni 114.7 katika Shule ya Sekondari Sanya Juu yenye

lengo la kuboresha mazingira ya kujifunza na kufundishia kwa wanafunzi wa kidato cha tano na sita shuleni hapo.

Amesema awali shule ya Sekondari Sanya Juu ilijenga Mabweni Mawili, Vyumba Saba vya Madarasa na Matundu 14 ya vyoo kwa Shilingi Milioni 464.4 ili kuondoa msongamano wa wanafunzi darasani na kutatua changamoto ya wanafunzi kulala madarasani.

“Wanafunzi wa Kata ya Ormelili walikuwa wanatembea umbali wa kilomita 32 kila siku Kwenda Sikirari Sekondari kufuata elimu lakini Rais Samia Suluhu

Hassan amewapatia Milioni 584.2 wamejenga shule mpya ya Sekondari na sasa wanafunzi hawatoacha shule kwa sababu ya umbali wa kupata elimu” amesema Mhe dkt mollel.

“Lakini pia Kata ya mitimirefu wanafunzi walikuwa wakitembea umbali wa kilomita 14 kwenda Namwai Sekondari kupata elimu wakipita porini kwenye wanyama wakali, baada ya kuifikisha changamoto hiyo kwa Mhe. Rais Samia Suluhu Hassan, tayari wamepokea shilingi milioni 584 ili wajenge shule mpya ya Sekondari” ameongeza Mhe Dkt Mollel.



*Naibu Waziri wa Afya na Mbunge wa Jimbo la Siha Mhe Dkt Godwin Mollel akipokelewa na wananchi wa Kata ya Nasai Julai 05, 2024.*



*Naibu Waziri wa Afya na Mbunge wa Jimbo la Siha Mhe Dkt Godwin Mollel akizungumza na wananchi wa Kata ya Nasai kwenye mkutano wa hadhara Julai 05, 2024*

## WANANCHI SIHA WAISHUKURU SERIKALI YA RAIS SAMIA



*Naibu Waziri wa Afya na Mbunge wa Jimbo la Siha Mhe Dkt Godwin Mollel akizungumza na Wananchi wa Kata ya Kirua Julai 05, 2024 baada ya kuweka jiwe la Msingi mradi wa Shilingi milioni 280 wa vyumba 6 vya madarasa na Bweni moja shule ya Sekondari Fuka.*

Wananchi wa Wilaya ya Siha wameishukuru Serikali ya awamu ya Sita kwa kutatua changamoto katika sekta ya Elimu, Afya, Barabara na Maji zilizokuwa zikiwakabili.

Wakizungumza wakati wa ziara ya Naibu Waziri wa Afya na Mbunge wa Jimbo la Siha Mhe. Godwin Mollel katika Kata za Gararagua, Karansi, Makiwaru na Ormelili Julai 04, 2024, wananchi wameipongeza Serikali kwa kujenga Shule mpya za Sekondari na Msingi, Zahanati, kukarabati Barabara na kupanua miundombinu ya miradi ya maji.

Diwani wa Kata ya Gararagua mhe. Zacharia Lukumay alieleza kuwa katika Kata hiyo Serikali imejenga shule mpya ya Sekondari ya wasichana ya Mkoa wa Kilimanjaro kwa shilingi Bilioni 4.1 na kuipatia shilingi Milioni 50 kukamilisha Zahanati ya Mawasiliano na Milioni 50 kwa ajili ya ununuzi wa vifaa tiba.

Pia Mhe. Duncan Urassa Diwani wa Karansi amesema kuwa Serikali imejenga Tenki la Maji la Lita 500,000 katika Kijiji cha Kandashi mradi unaotekelezwa kwa fedha shilingi milioni 979.09 ikiwa ni sehemu ya upanuzi wa skimu ya maji ya Gararagua kwenda katika vijiji nane vya Mawasiliano, Leklumuni, Karansi, Kandashi, Makiwaru, Mkombozi, Olkolili na Ormelili ili kuongeza wingi wa maji kati maeneo hayo.

Katika hatua nyingine, Naibu Waziri wa Afya Mhe Dkt Mollel (MB) amewahimiza wazazi katika Kata ya Ormelili kutumia fursa ya shule kujengwa katika Kata yao kwa lengo la kuongeza ufaulu na kupunguza umbali wa wanafunzi kutembea zaidi ya kilomita 32. Shule mpya ya Sekondari Ormelili imejengwa na Serikali ya awamu ya Sita kwa gharama ya shilingi milioni 584.2.





*Naibu Waziri wa Afya na Mbunge wa Jimbo la Siha Mhe Dkt Godwin Mollel akitembelea mradi wa ujenzi wa vyumba sita vya madarasa na bweni moja katika shule ya Sekondari Fuka Julai 5,,2024*



*Muonekano wa Vyumba sita vya madarasa na bweni moja katika shule ya Sekondari Fuka linalojengwa kwa fedha kutoka Serikali Kuu shilingi Shilingi milioni 280.*

**DC SIHA AKABIDHI MSAADA WAHANGA WA MOTO KIJJI CHA MATADI**



Mkuu wa Wilaya ya Siha Mhe. Dkt. Christopher Timbuka atoa msaada kwa wahanga wa moto katika Kijiji cha matadi Kata ya Ndumeti Tarafa ya Siha Magharibi





**Dkt. Haji Mnasi Mkurugenzi Mtendaji akifundisha somo la Hisabati wanafunzi wa darasa la saba shule ya msingi Ngare Mji Tarafa ya Siha Magharibi**



**Dkt. Haji Mnasi Mkurugenzi Mtendaji Halmashauri ya Wilaya ya Siha akiwapongeza wanafunzi wa darasa la pili shule ya Msingi Nasai Tarafa ya Siha Kaskazini Julai 26,2024**

## HABARI PICHA MIRADI YA MAENDELEO



*Muonekano wa majengo ya Shule ya Sekondari Ormelili yaliyojengwa kwa fedha za Serikali Kuu shilingi milioni 584.2 katika Kata ya Ormelili.*



*Muonekano wa vyumba 9 vya madarasa vilivyozinduliwa na Naibu Waziri wa Afya na Mbunge wa Jimbo la Siha Mhe Dkt Godwin Mollel katika Shule ya Sekondari Nuru Julai 04, 2024 vilivyojengwa na Serikali ya awamu ya sita kwa shilingi milioni 239.7.*



*Naibu Waziri wa Afya na Mbunge wa Jimbo la Siha Mhe Dkt Godwin Mollel akikagua vyumba vya madarsa katika Shule ya Sekondari Nuru Julai 04, 2024 kabla ya ufunguzi.*



*Naibu Waziri wa Afya na Mbunge wa Jimbo la Siha Mhe Dkt Godwin Mollel akizindua vyumba vinne vya madarasa na matundu saba ya vyoo katika shule ya Sekondari Sanya Juu vilivyojengwa kwa fedha kutoka Serikali ya Rais Samia Suluhu Hassan shilingi milioni 114.7.*

## Dkt. MNASI AWAPONGEZA WATUMISHI SIHA



*Mkurugenzi Mtendaji Dkt Haji M. Mnasu akizungumza na watumishi wa makao makuu ya Halmashauri, Timu ya Usimamizi na Uendashaji wa Idara ya Afya Wilaya, Watendaji wa Kata na Vijiji Julai 11, 2023.*

Mkurugenzi Mtendaji wa Halmashauri ya Wilaya ya Siha Dkt Haji Mnasu amewashukuru watumishi wote kwa ushirikiano mkubwa wanaoutoa ambao umewezesha Halmashauri kupata hati safi, kukusanya mapato kwa asilimia zaidi ya 100, usimamizi wa miradi ya mendeleo yenye ubora na kufanikisha Halmashauri kuwa ya tatu kwenye utoaji wa taarifa kwa wananchi kwa mwaka 2023/2024.

Dkt Mnasu ametoa shukrani hizo Julai 11, 2023 kwenye kikao kazi cha Mkurugenzi na

watumishi wa makao makuu ya Halmashauri, Timu ya usimamizi na uendashaji wa idara ya afya Wilaya, Watendaji wa Kata na Vijiji kwa lengo kutathmini na kuweka mikakati ya kuboresha utendaji kazi kwa mwaka mpya wa fedha wa 2024/2025.

“Tumefanya vizuri sana katika mwaka wa fedha 2023/24, Tumekusanya mapato ya ndani kwa asilimia zaidi ya 100, tumeiwezesha Halmashauri kupata hati safi kwa kujibu hoja za CAG kwa ufasaha, tumekamilisha miradi ya maendeleo kwa ubora

kwenye maeneo yetu, hii yote ni kwa sababu ya ushirikiano tulionao” ameingiza Dkt Mnasu

Mkurugenzi Mtendaji amefanya kikao kazi na Watumishi wa Makao Makuu ya Halmashauri, Timu ya usimamizi na uendashaji wa idara ya afya Wilaya, Watendaji wa Kata na Vijiji kwa lengo kutathmini na kuweka mikakati ya kuboresha utendaji kazi kwa mwaka mpya wa fedha wa 2024/2025.



*Mkurugenzi Mtendaji wa Halmashauri ya Wilaya ya Siha Dkt Haji M. Mnasi akizungumza na watumishi wa makao makuu ya Halmashauri, Timu ya usimamizi na uendashaji wa idara ya afya Wilaya, Watendaji wa Kata na Vijiji Julai 11, 2023.*



*Watumishi wa makao makuu ya Halmashauri, Timu ya usimamizi na uendashaji wa idara ya afya Wilaya, Watendaji wa Kata na Vijiji wakiwa kwenye kikao kazi na Mkurugenzi Mtendaji Julai 11, 2023.*

## KAMATI YA FEDHA YARIDHISHWA NA UTEKELEZAJI WA MIRADI YA MAENDELEO



***Mwenyekiti wa Halmashauri ya Wilaya ya Siha Mhe. Duncan Urassa akiiongoza kamati ya fedha uongozi na mipango kukagua ujenzi wa choo cha kisasa katika Shule ya Msingi Sanya Juu.***



**Mwonekano wa choo cha kisasa katika Shule ya Msingi Sanya Juu.**





**Kamati ya Fedha,Uongozi na Mipango yatembelea ujenzi wa miundombinu shule ya Sekondari Sanya Juu  
Kata ya Nasai tarehe 17 Julai,2024**

Mkurungenzi Mtendaji wa Halmashauri ya Wilaya ya Siha 5-BR Elerai- Sanya Juu S.L.P 129,25482 siha Simu Na +027-2970677, Nukushi +027-2970677 Barua Pepe: ded@sihadc.go.tz, Tovuti: www.sihadc.go.tz

## HABARI PICHA



***Mkurugenzi Mtendaji Halmashauri ya Wilaya ya Siha Dkt Haji Mnasi akizungumza wakati wa ufunguzi wa mafunzo kazini ya siku mbili kwa walimu wa masomo ya sayansi na biashara katika shule za Sekondari Julai 24, 2024 katika shule za Sekondari Sanya Juu.***



**Walimu wa masomo ya Sayansi na Biashara katika shule za Sekondari Wilaya ya Siha wakiwa kwenye mafunzo kazini yaliyofanyika Julai 24, 2024 katika shule ya Sekondari Sanya Juu.**



**Mkurugenzi Mtendaji wa Halmashauri ya Wilaya ya Siha Dkt Haji Mnasi akizungumza na wanafunzi wa Shule ya Msingi Sanya Juu baada ya kutembelea na kukagua utendaji kazi wa watumishi wa umma katika shule hiyo kabla ya vipindi vya masomo kuanza rasmi 25 Julai, 2024.**



**Watumishi wa umma na wananchi wa Wilaya ya Siha wakiwa katika maadhimisho ya siku ya Mashujaa Kiwilaya Julai 25, 2025 yaliyofanyika kwa usafi wa Mazingira soko la Sanya Juu pamoja na kufanya Dua na Sala ofisi ya Kata ya Sanya Juu wakiongozwa na katibu Tawala Wilaya ya Siha Jane Chalamila kwa niaba ya Mkuu wa Wilaya ya Siha Mhe. Dkt Christopher Timbuka.**

## WANANCHI WILAYA YA SIHA WATOA MAONI DIRA YA TAIFA YA MAENDELEO 2050



Mwenyekiti wa Halmashauri ya Wilaya ya Siha Mhe. Duncan Urassa (kulia) akiteta jambo mara baada ya kikao cha DCC maalum ukumbi wa Halmashauri tarehe 22 Julai, 2024




Wananchi na wadau wa maendeleo Wilaya ya Siha wakiwa katika ukumbi wa Halmashauri tarehe 22 Julai, 2024 wakitoa maoni yao kuhusu dira ya Taia ya Maendeleo na Tanzania wanayoitamani ifikapo 2050

## FURSA ZA UTALII WILAYA YA SIHA



*Kiongozi wa Mbio za Mwenge wa Uhuru Kitaifa Mwaka 2024 Ndg Godfrey Eliakimu Mnzava na wakimbiza mwenge kitaifa wakiwalisha wanyamapori walipotembelea bustani ya wanyamapori iliyopo Wilayani Siha (Serval Wildlife) Aprili 04, 2024.*



**JARIDA MTANDAO LA HALMASHAURI YA WILAYA  
YA SIHA LIMEANDALIWA NA KITENGO CHA  
MAWASILIANO SERIKALINI**

**Mkurungenzi Mtendaji wa Halmashauri ya Wilaya ya Siha  
5-BR Elerai- Sanya Juu S.L.P 129,25482 siha  
Simu Na +027-2970677, Nukushi +027-2970677  
Barua Pepe: ded@sihadc.go.tz, Tovuti: www.sihadc.go.tz**

**Tunapatikana**

